

Aquò rai

DE TOT AMB CRANA INUTILITAT

Pel plaser

Lo plaser de sentir lei gruns,
De musiquejar los mots emb mos artelhs,
De dançar pè descauç,
De se trempar dins l'aiga fresca del riu quand fa calimaç
Lo plaser de cantar totes amassa
Lo plaser de manjar benlèu?
Lo plaser d'èsser vertadièrament en vacanças
Lo plaser de far una siesta al pè d'un arbol
Sus un lèit de formigas que te cobrisson de potons e de fissons
E la masca que te legís la bona aventura
Lo plaser de balançar entre Galhac e Rabastens,
entre lo forn e lo molin, d'una branca l'autra

Istòrias improzadas

La legenda del chivalièr sens espasa

Quand èri jove, èri chivalièra. Si ! Perque soi de familha de chivalièrs, es normal, èra una destinada. Tot d'un còp, i aviá un vièlh pel camin que me prenguèt mon espasa. Mas deviái tuar un drac per anar desliurar una princessa e sens espasa, èra pas possible! Urosament aviái previst lo còp : trobèri un baston e amb las dents faguèri un pal e anèri per tuar lo drac. Mas lo drac èra ja mòrt... Pr'aquò coma diriá ma memé, i a pas res a far dins la vida, sonque manjar e beure !

Las previsions meteo del 15/02/3025



Lo país tot es en alèrta roja per la vigilància « calor ». Es traversat pe run vent de sud-èst de 20 a 40km/ora. Las temperaturas globalas sus tot l'Occitània aniràn de 35° a 68°.

A Vilanueva :

- lo solelh se leva a 6h30 dens una brumassa espessa.

- lo solelh se cocha a 22h00

Lo matin, la bruma se levarà.

La tantossada, lo solelh tustarà mai que mai. Pas de pluèja.

Conselh del govern : demoratz dens los abrics climatizats.

L'OROSCÒPI :

SAGITARI



Trabalh : sufis de passar la carrièra e de matar la canha

Santat : coma o fasiá JS Bach, tampa-te leis aurelhas ai bruchs parasites per te conectar a tei ressortgas creativas

Amor : l'amor, sagitarius, es mai dins un sabaud que dins un pantalès, revelha-te !

Aquò rai

DE TOT AMB CRANA INUTILITAT

Istòrias a l'asard

Un còp èra un pichon sapin grand coma un irange que se voliá maridar. Alavètz decidiguèt d'anar sus la montanha per trobar una pèira preciosa. En camin rescontrèt lo drac que li diguèt : "Mèfi! A l'esquèrra de la drecha del nòrd del sud, i a un lapin que canta per perdre los caminaires." Lo sapin respondèt : "Me balhas tròp de conselhs. Vòli pas qu'una femna a l'encòp e non pas un tropelon. E s'es possible per la vida sancèra."

Lo drac i tornèt : "Mèfi ! a la drecha de l'esquèrra de l'èst de l'oèst, lo riu e lo solelh son los meteisses." Lo sapin trenquèt : "Èri content de tos conselhs, mas figura-te qu'ai trobat tot sol la beutat que me calia". Te convidi doncas a la nòstra nòça deman.

Fin finala lo pichon sapin se tornèt a costat de l'ostal que l'aviá vist nàisser, content e fièr.

Lo viatge d'un gat del mai polits

Un còp èra un gat. Mas un gat plan polit, tant polit que'anèt passejar dins un bòsc per se trufar de las bèstias. Foguèron tant tristes, alavètz lo gat decidiguèt de partir luènh, tant luènh coma possible. En camin, rescontrèt una granhòta qu'èra a cantar, que li diguèt : "Mon polit, de que se passa ? Cresi qu'as grand besonh de manjar una mirga magica !". Lo gat polit respondèt : " se pòdes m'ajudar, te farai un poton o dos!" La granhòta tornèt : "Agaita! sul teulat de la bòrda ! la mirga s'es amagada!" Mas lo gat polit trenquèt : " lo cpop que ven, esperarai lo bon moment per passejar." Fin finala, lo gat polit aviá decidat d'acceptar son astre e tornèt a l'ostal. Son viatge foguèt plan cortet!

L'OROSCÒPI :

VERGE



Amor: Netpuna retrograda, es lo moment per vos de clamar vòstre amor a la persona aimada.

Moneda : Survelhatz vòstre compte de banca, que los raubaires son agressius amb Març que dintra dins sa fasa lunària.

Amistats : Pas res ne val una mauresca fresca de partejar amb amistats. La petanca es tanben la vòstra amiga.

Aquò rai

LAS ANÓNCIAS

Dòne pita testa de bois, beitia pas granda de roide beu, 'Quí pas de pretz, mas una condicion solitaria: balhar a queus dos uelhs prigonds una familha d'adopcion brava e genta.

En part de que 'quela vos rendarà mai d'unes servicis: escondaire de secrets incassables, minjaire d'objèctes indesirables, o gardian de vielhuns doblidats. Se saurà far clacaire de vòstras seradas inobludadas.

Per la trobar, vos sufis de segre, d'aici la fin lo corridor, d'esquivar los lengadocians, los gascons o los auvergnats, los catalans, per s'apruèima daus lemosins.

ESCAPIBI! Contrapetards de salon EN FRANÇAIS
contra contrapetards de salon EN OCCITAN
conscienta de la raretat de l'objècte, apandi una edicion del Tresaur del Felibrige dins se version signada dedicada per Frederic Mistral. Bons suenhs agits!
Ne contactar a  ← Flash còdi analogic

-Doni de clucas mirgalhadas per se desguisar, faire la festa, Carnavalesjar.
Possible de mandar l'objècte ambè qualques fraisses a vòstra carga.
Me contactar al 01.02.03.04.05.

Lectura del vòstre
AVENIDOR
amb lo celèbre taròts dels amorós.
5€ = un question simple
20€ = lectura completa
del vòstre avenidor.

Vertadièra MASCA
vos ajudar per trobar vòstre camin.
Me trobaretz danièr lo figuier dels gigants a l'ora ont la luna se leva.

